



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

CIV. Iacobvs III. LXXVIII. Arch. XXXIII. Elector.

[urn:nbn:de:hbz:466:1-64326](#)

Series Archiepiscoporum, Primum
CIV. IACOBVS III. LXXVIII. ARCH.
XXXIII. ELECTOR.

Genus perantiquum ab Eltz dictum Jacobo indidit insigne nomen, majus nomen dedere merita, ob quæ à congregatis Confluentiæ Canonicis electus, professionem Fidei juxta Tridentini Concilii formulam edidit. Tum verò civium suorum ad libertatem Imperii anhelantium animos, cùm frustra per Legatos Septemvirū ad obsequium flectere conatus fuisset, evocatis ex urbe Clericis cives obsidione cinxit; quæ tamen brevè soluta est, causa à Cæsare Electorum arbitrio commissâ. Dum deinde cretis à Synodo Tridentina relictis intentus, eadem per Archidiœcesin suam promulgavit, denuo ad Spirensia vocatus Comitia, Maximiliani II. Cæsaris filiam Elisabetham, ut Carolo Gallorum Regi sponsam adduceret, est rogatus. Interea sedes Patribus Societatis JESU in urbe amplior concessa, novatoribus verò aulæ aditu interdictum fuit. Ecclesiasticam quoque Curiam reformativit, & Clericos vel ad nuptias, vel ad luxuriam proclives honoribus exutos, ignominia notavit. In Comitiis Ratisbonæ habitis Lutheranorum cohorti libertatem Augustanæ Confessionis per universum Imperium postulanti Jacobus constantissimè restitit, non ita sibi constantibus Viris Orthodoxis aliis. Tandem ex Rudolphi II. Cæsaris sententia Treviri Archi-Episcopo suo subiecti Sacramentum usque hodie servatum dixerunt. Quare portis universæ civitatis affixa sunt Ecclesiæ insignia; Politia reformata, Religio confirmata, Academica studia instaurata: atque adeò munere suo functus optimè quievit Jacobus an. 1581. Sed. an. 14.

CV. IOANNES VII. LXXIX. ARCH.
XXXIV. ELECTOR.

Joannes genere Schönenbergius, triplici munere, nimirum in summa æde Praepositi, in urbe Gubernatoris, in Academia

mia